



# CONCURSO DE XÓVENES MANEXADORES FEIRADEZA 2018

Un bo manexador é aquel que coñece á perfección a morfoloxía dos seus animais e despois dunha correcta doma, preparación e pelado, é capaz de facer resaltar as virtudes do exemplar que presenta, minimizando ó mesmo tempo os posibles defectos que poida ter.

Este concurso consiste en que os xóvenes participantes demostren a súa habilidade na presentación de animais en pistas de concurso e exposicións, aproveitando ó máximo as cualidades e posibilidades que ofrece cada animal.

Os fins perseguidos con este concurso son:

- \* Animar ós xóvenes a interesarse e participar, dende moi cedo, nas tarefas de selección e mellora das súas explotacións.
- \* Colaborar na profesionalización e autoestima dun sector que tradicionalmente foi menospreciado na nosa sociedade.
- \* Asegurar a continuidade dos concursos, exposicións e subastas no futuro como medio imprescindible para a promoción, rendibilidade e continuidade das explotacións gandeiras.

## BASES DO CONCURSO

### CONDICIÓN XERAIS

- 1.- O Concurso celebrarase o **7 de Xullo, Sábado, ás 18:30 horas** (ó rematar o concurso de Xovencas) no Recinto Feiral de Feiradeza.
- 2.- Nel poderán participar todas aquelas persoas que o desexen.
- 3.- Dada a diferenza de idade entre os posibles participantes, establécense as seccións según se indica no punto 4.
- 4.- SECCIÓNS:

**Sección 1ª** : Competirán nesta sección aqueles xovenes que teñan entre 21 e 30 anos inclusive.

**Sección 2ª**: Competirán mozos con idades comprendidas entre os 16 e os 20 anos inclusive.

**Sección 3ª**: Inclúe a mozos con idades comprendidas entre os 10 e os 15 inclusive.

**Sección 4ª**: Nela participarán rapaces menores de 9 anos.

**Sección 5ª - CAMPIONATO**: Competirán polos títulos de CAMPIÓN e SUBCAMPIÓN Manexador FEIRADEZA 2018, os dous primeiros clasificados nas seccións anteriores.

5.- As seccións serán xulgadas empezando polos manexadores de máis idade, permitindo así, que os máis novos poidan aprender as técnicas que os maiores empregan.

6.- No caso de que algunha sección teña menos de 3 participantes, serán incluídos na sección anterior ou posterior, en función da súa idade.

7.- Tomarase como data de referencia para determinar a idade dos concursantes o 30 de Xuño.

8.- Sendo o obxectivo do concurso, o de formar e estimular aos mozos nas tarefas de doma, manexo e presentación do gando, cada participante estará obrigado a preparar o animal co que vaia concursar.

9.- Os máis novos poderán ser axudados nos traballos mencionados (punto 8) polos colaboradores do Clube que se atopen no recinto.

10.- Os concursantes nas seccións 3 e 4 (punto 4) só poderán participar con animais inscritos nas seccións de becerras do Concurso de frisón.

11.- Os concursantes nas seccións 1 e 2 só poderán competir exclusivamente con xovencas.

### CONDICIÓN DE PRESENTACIÓN

No momento de presentación dos animais en pista, cada manexador deberá:

12.- Obligatoriamente, ir uniformado con **POLO OU CAMISA BRANCA E PANTALÓN BRANCO OU AZUL**.

13.- Comprobar que o animal que vai exhibir estea perfectamente limpo e en condicións para saír a pista.

14.- Estar atento ás instrucións que se dean e presentarse puntualmente en pista, cando e cantas veces sexa requirido.

15.- Unha vez na pista, estar atento en todo momento, ás indicacións do xuíz e actuar, correcta e rapidamente, dacordo ás mesmas.

- 16.- Manter en todo momento ao animal baixo control, procurando non distraer nin molestar a outros concursantes.
- 17.- Estar preparado para responder a calquera pregunta que o xuíz poida facerlle con respecto ao animal que conduce (idade, país, etc).
- 18.- Recordar que unha sección non rematou ata que o xuíz o indique, xa que logo, toda colocación será provisional ata o devandito momento.
- 19.- Aceptar deportivamente as decisións do xuíz, mantendo en todo momento unha actitude correcta e respectuosa.

### **XULGAMENTO**

O xulgamento do Concurso de Xóvenes Manexadores correrá a cargo de **D. Pol Collell, Xuíz Nacional de CONAFE**, que estará asistido en pista por un membro do Clube.

#### **Serán misións deste xuíz:**

- 20.- Valorar as habilidades dos manexadores (doma e presentación) sen ter en conta as características morfolóxicas dos animais que presenten.
- 21.- Xulgar cada sección por separado.
- 22.- Dar as explicacións do por que da colocación en cada unha das seccións, xulgadas, procurando aconsellar aos mozos como mellorar a súa técnica.
- 23.- Proceder á colocación final dos manexadores, tendo en conta as tres premisas básicas que estes deben observar (preparación do animal, técnica de presentación e actitude demostrada en pista, tanto cara aos seus compañeiros como ás indicacións do xuíz).
- 24.- As decisións do xuíz serán inapelables, xa que logo, a participación implica a aceptación das mesmas.

### **PREMIOS**

- 25.- Outorgaranse escarapelas aos 3 primeiros clasificados de cada sección.
- 26.- O Clube de Xóvenes Gandeiros concederá un Premio Especial ó Campión e Subcampión Manexador deste Concurso.(sec.5ª)

### **DISPOSICIÓN FINAIS**

- 27.- A participación supón a aceptación de tódalas normas contidas no presente regulamento.
- 28.- A comisión organizadora decidirá sobre todas aquelas cuestións que se puidesen suscitar na interpretación do regulamento, ou que non estivesen recollidas no mesmo.

### **BOLETÍN DE INSCRIPCIÓN:**

## **SOLICITUDE DE PARTICIPACIÓN**

Nº: \_\_\_\_\_

PARTICIPANTE: \_\_\_\_\_ DNI: \_\_\_\_\_ DATA NAC.: \_\_\_\_\_ IDADE: \_\_\_\_\_ SECCIÓN: \_\_\_\_\_

DOMICILIO: \_\_\_\_\_ CP: \_\_\_\_\_ LOCALIDADE: \_\_\_\_\_ PROV.: \_\_\_\_\_ TFNO: \_\_\_\_\_ GANDERÍA: \_\_\_\_\_

SOCIO: \_\_\_\_\_ SOLICITO a inscrición no Concurso de Manexadores, que se celebrará en Lalín o 7 de Xullo de 2018.

Lei Orgánica 15/1999, informámoslle de que os seus datos persoais pasarán a formar parte dun ficheiro, cuxo responsable é CLUBE XÓVENES GANDEIROS DE GALICIA con domicilio en Rúa Melide 25-27 Baixo, 15705 Santiago de Compostela (A Coruña). A finalidade deste ficheiro é realizar a xestión de cursos de formación, concursos e eventos que organiza o Clube. Informámoslle que os seus datos poderán ser cedidos a entidades colaboradoras e organizadoras das actividades e eventos, co fin de levar a cabo a xestión das mesmas.

Informámoslle de que, marcando a casa habilitada a tal efecto, autoriza para a toma e posterior difusión e publicación da súa imaxe e/ou a do menor que representa durante o desenrolo das actividades organizadas polo Clube e a súa posterior publicación nos taboleiros, memorias, páxina Web e Redes Sociais do Clube, co fin de difundir e promocionar as actividades que se levan a cabo no mesmo.

SI autorizo /  NON autorizo a toma e publicación da miña imaxe e/ou a do menor que represento.

Asimesmo, informámoslle de que, marcando a casa correspondente, poderá serlle remitida información actualizada sobre novas actividades que organice o Clube.

SI desexo /  NON desexo recibir comunicacións.

Se o desexa poderá exercer os dereitos de acceso, rectificación, cancelación e oposición dirixíndose por escrito á dirección sinalada, adxuntando unha fotocopia do seu DNI.

#### **AUTORIZACIÓN EN CASO DE MENORES DE IDADE**

D./Dna. \_\_\_\_\_ D.N.I. \_\_\_\_\_ COMO (pai, nai, tutor,..)AUTORIZA A \_\_\_\_\_ a

participar no CONCURSO MANEXADORES FEIRADEZA 2018, e para que conste ónde proceda asino a presente en \_\_\_\_\_, a \_\_\_\_\_ de \_\_\_\_\_ de 2018.

**Sinatura da persoa que autoriza:**